



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 9. Crux gloria Regnum, & Christianitatis.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Chariora illi (Christo) fuere brachia Crucis, quam ubera Matris. S. Bern.

Cur Christus Crucem suam permisit venire in captivitatem Persarum quatuordecim annis? Resp. quia illam amavit ut Matrem suam Reginam Martyrum. Sylv. addit. in Jo. 2.

§. VIII.

Crux honorabitur in Judicio.

Tunc parebit signum Filii hominis in caelo. Matth. 24. 30. Signum autem verum, & proprium Christi, est Crux. Lucidum Crucis signum præ cæteris præcedens Regem, atque demonstrans eum, qui prius fuerat Crucifixus. Tremor est inimicis signum Crucis, & gaudium amicis in illum credentibus; vel qui prædicarunt, vel qui passi pro illo. Sanct. Cyrill. Jer. Ca. tech. 15.

Hæc rursus in secundo adventu Domini primo in caelo apparebit, tanquam pretiosum, & venerabile magni Regis Christi sceptrum. S. Ephrem serm. in pretiol. Cruc. D.

Apparente Cruce Domini merito omnia Mundi lumina obtenebrantur; ut dicat S. Basil. Seleuc. serm. de transig. vidit sol, quæ prius non didicit; ut qui doctus sit abscondi alterius luminis illustratione. In novissimo die etiam sol obscurabitur, & luna. Matth. 24. 29. Baezal. 4. c. 5. §. 21.

Considera, quanta sit virtus Crucis: in die namque iudicij *Sol obscurabitur, & luna non dabit lumen suum.* Ut discas, quantum Crux lunæ lucidior, & sole splendidior sit, apparebit tunc Crux. Sanct. Laur. Just. de ligno vitæ c. 4.

Ad famulatum S. Crucis, ejusque manifestandam gloriam, omnes convocantur nubes; licet ad majestatem ostendendam ipsius Domini una suffecerit. Sylv. in Act. 1. q. 18.

Quæres: an ipsa Crux lignea sit in caelo conspicienda? an illius effigies ex splendido formata ære? S. Ambr. S. Antonin. Abulens. Janfen. & alii, ex ære putant effigandam. Contra ipsam Crucem ligneam, divinâ redintegrandam potentia, & in die iudicij in caelo ostendendam omnibus hominibus, docent Ephrem, Chrysost. & hæc sententia probabilior. Ex quo infero: quod post Universale iudicium Crux lignea sit rependa inter choros angelorum. Imò & reliqua instrumenta Passionis apparebunt, ut columna, flagella, corona spinea, clavi, lancea, spongia; ut docet S. Thom. Opusc. 2. c. 244. Salmeron. &c. Sylv. in Matth. 24.

Idcirco forsân tempore Passionis obscuratus fuit sol: quia soli Crucis radij digni erant, qui & orbem, & oculos hominum, illustrarent. Ideo & ad finem Mundi sol obscurabitur, quia tunc apparebit signum Filij hominis. Alvarez Ill. 322.

S. Thom. addit. q. 90. a. 2. apparebit signum Crucis, ut per hoc iustior eorum condemnatio appareat, qui tantam misericordiam neglexerunt. II. ut dolores, mortem, & opprobria; quæ tantus Rex pro hominibus pertulit,

ante oculos eorum ponat, & increpet ingravitudinem.

§. IX.

Crux gloria Regum, & Christianitatis.

Signatum est super nos lumen vultus tui Domine. Pl. 4. 7. Lumen vultus Dei, est Christus Iesus; qui est splendor gloriæ, & figura substantiæ ejus, qui est vera lux; qui omnem hominem illuminat. Hoc tamen est super nos signatum, cum Christi nomen in fratibus nostris, per S. Crucis impressionem, est chrismate notatum. Sanct. Honor. term. in Invent. Sanct. Crucis.

Et sit splendor Domini Dei nostri super nos. Pl. 89. 17. Splendor Domini super nos est, quando Crucis ejus impressione decoramur, & vexillum triumphi ipsius in fronte portamus. Cassiod. hic.

Tunc exultabunt omnia ligna sylvarum. Pl. 95. 12. Theodoret. hic: tunc laudabunt omnia ligna nemoris; illa potissimum Deo offerent hymnum: quandoquidem ex ipsis salutare lignum fuit; in quo Salvatoris corpus suffixum fuit; per quod hominibus germinarunt bona. Hæc est ergo summa arborum laus, quod ex illarum genere nata, excisa, & fabricata, sit Crux Christi; quam humeris portavit, in qua Crucifixus pependit; quam fecit imperij sui sceptrum, militiæ suæ vexillum; tantoque eam in honore habuit, ut eodem, quod Deus ipse adorationis gradu, ab angelis, & hominibus, colendam proposuerit. Ob hanc eandem sui generis prærogativam exultare gaudiò, & DEI bonitatem prædicare, videntur regio vati arbores ipsæ: *tunc exultabunt &c.* Fernandus in Gen. 1. sect. 5.

Exultabunt Sancti in gloria. Psalm. 149. 5. Sanct. Hieron. exultabunt Sancti in Cruce.

Mibi autem absit gloriari, nisi in Cruce D. N. J. C. Gal. 6. 14. Poterat dicere in Sapientia D. N. J. C. & verum diceret: in majestate; & verum diceret: in potestate; & verum diceret. Sed dixit in *in Cruce.* Ubi mundi Philolophus erubuit, ibi Apostolus thesaurum reperit: non contemnendo vile involutum pervenit ad pretiosum involutum. S. August. ex fragmentis, fragm. 27.

Mibi absit gloriari &c. quia in ipsa inveniuntur omnia, de quibus homines gloriari solent. Nam gloriantur aliqui de magnorum amicitia; at hoc maxime Apostolus invenit in Cruce: quia ibi ostenditur evidens signum divinx amicitix. Rom. 5. 8. *commendat autem Deus charitatem suam in nobis.* Gloriantur aliqui de scientia; & hanc Apostolus excellentiorem invenit in Cruce. I. Cor. 2. 2. *non judicavi me aliqua scire &c.* Nam in Cruce est perfectio totius Legis, & tota ars bene vivendi. Item gloriantur aliqui de potentia. Et hanc Apostolus maximam habuit per Crucem. I. Cor. 1. 18. *Dei Virtus est.* Item aliqui gloriantur in assumptione ad aliquod magnum Collegium: sed

sed per Crucem Christi assumuntur ad Collegium caeleste. S. Thom. hic Lect. 4.

Ex Patribus, & aliis.

Quæ gemma pretiosior in diademate, quam Crux Christi regnatum in fronte. S. Aug. in Nat. D. l. 63. de diversis.

Instituit lignum, quò mare transeamus. Nemo enim potest mare transire hujus sæculi, nisi Cruce Christi portatus. Id. tr. 2. in Joan.

Non sine causâ signum suum Christus in fronte nobis figi voluit, tanquam in sede pudoris; nè Christi opprobriò Christianus erubescat. S. Aug. in Ps. 30.

Vexilla militum Crucis insignia sunt. Regum purpuras, & ardentes diadematum gemmas, patibuli salutaris pictura condecorat. Jam & Ægyptius Serapis Christianus factus est &c. S. Hier. ep. 7. ad Latam. de institut. filia.

Gloriatio Ecclesiæ Catholicæ est omnis Christi affectio: gloriatio verò gloriationum est Crux. Quod sciens Paulus: *mibi*, inquit, *absit gloriari, nisi in Cruce*. D. N. F. C. S. Cyrill. Jerof. Catech. 13.

Crux inestimabile signum, & admirabilis virtus est. Crux spes Christianorum, resurrectio mortuorum, cæcorum dux, claudorum baculus, destructio superbiorum &c. Regum magnificentia, Sacerdotum gloria. S. Rupert. de div. offic. l. 1. c. 26.

Crux Regum magnificentia, Imperatorum Philoſophia. S. Chryf. f. de Cruce Dom.

Reges, positis diadematis, Crucem suscipiunt, mortis symbolum. In purpulis Crux, in diadematis Crux, in precibus Crux, in armis Crux, & super solem fulget Crux. S. Chryf. Demonstr. adv. Gent. quòd Christus sit Deus.

Hugo de Sanct. Victore in quadam epistola pro titulo sic scripsit: Hugo servus Crucis Christi.

Cum recusarent Germaniæ Principes Rudolpho Habſburgico Imperatori Electo Sacramentum dicere; ad quòd ſceptrum Regale abſeſet longius; ille Crucis signum accipiens; en, inquit, ſceptrum meum; in eo nos omnes redempti ſumus. Quis huic ſigno vivifico aliud quicquam præferat? valuit ea pietas ad continendos in officio nutantes; qui mox Cruci oſcula figentes, in verba Rudolphi juravere. Doultremon l. 2. c. 2. lect. 7.

§. X.

In Cruce benedictio, & ſalus.

Imponebant manus ſuper illos. Act. 8. 17. Cur, cum olim manus impositio eſſet ſignum condemnationis ad mortem, Apoſtoli imponentes manus dabant vitam? Sic Dan. 13. 34. *presbyteri poſuerunt manus ſuper caput* Sufanna. Et de blaſphemo Levit. 24. 14. *ponant manus ſuas ſuper caput ejus*. Reſp. alij ſimpliſiter manus imponebant; Apoſtoli verò ſignò Crucis factò: ſignum autem Crucis ſalu-

tem, vitam, & omne bonum ſecum importat. Sylv. hic.

Tollat Crucem ſuam. Luc. 9. 23. Crux Sanctum Domino meritò vocatur: quia per eam Mundus, qui adeò profanatus fuerat, benedictur. B. Petr. Dam. ep. 22.

Inſitum eſt lignum vitæ in terra, ut maledicta terra deinceps frui poſſet benedictione; ut liberentur, vivificenturque mortui. Non pudeat igitur nos Crucifixum conſiteri; ſed in fronte confidenter ſignaculum Crucis digitis imprimatur, & in alijs omnibus Crux fiat: in panibus comedendis, & in poculis bibendis, in egreſſu, & ingreſſu; ante fornium recumbendo, & ſurgendo; eundo, & quieſcendo &c. S. Cyrill. Jerof. Catech. 13.

Crux tæ omnium fons benedictionum, omnium eſt cauſa gratiarum. S. Leo f. 8. de prædic. Dom.

§. XI.

Varia bona, quæ nobis Crux attulit.

Ex Patribus, & aliis.

Ad illum, qui ubique eſt, amando venit, non navigando. Sed quoniam etiam in tali itinere abundant fluctus, & tempeſtates, diverſarum tentationum: in Crucifixum crede; ut fides tua lignum poſſit aſcendere. Non mergeris, ſed ligno portaberis. Sic, ſic in hujus ſæculi fluctibus navigabaille, qui dixit: *mibi autem abſit gloriari, niſi in Cruce*. S. Aug. f. 2. de Verb. Apoſt.

Conſuge ad Crucis lignum: non metuas procellas, & turbines hujus diluvij: non mergeris, ſi lignò portaris. Id. Dom. 4. poſt Octav. Epiph. f. 1.

Per verba illa: aperiente te manum tuam, omnia implebuntur bonitate, Pf. 103. 28. myſterium crucis denotari ait S. Chryſoſt. Per manum apertionem, inquit, Chriſti in cruce extensionem intelligere convenit, per quam omnia impleta ſunt bonitate, hoc eſt, humanitate, & milericordiâ: ſiquidem omne peccati genus crucis beneficiò condonatum eſt.

Crux Chriſti clavis paradifi eſt; Crux Chriſti aperuit paradifum. Sanct. Chryf. de divite. Luc. 16.

Aliæ cruces nihil mihi proſunt; ſola Crux Chriſti mihi utilis eſt. Et verè utilis, per quam mihi Mundus crucifixus eſt, & ego Mundo. Si mihi crucifixus eſt Mundus, ſcio, quia mortuus eſt. Non diligo eum: ſcio, quia præterijt. Non concupiſco eum; ſcio, quia corruptela conſumet hunc Mundum; quaſi factitium vito; quaſi luem caveo; quaſi nociturum relinquo. Sanctus Ambroſius l. 6. in Luc.

Ille pendit in ligno, ut peccatum, quod commiſeram, in ligno ſcientiæ boni, & mali; ligno deleret appanſus. S. Hieron. l. 2. c. 3. in ep. ad Galat.

Crux ſpes Chriſtianorum, resurrectio mortuorum, cæcorum dux, claudorum baculus, destructio